



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvngensis Ecclesiae, Ab Anno Christi
MDCXXVIII.**

Brogberen, Johannes

Coloniae Agrippinae, 1657

Ordo Et Caerimoniae Synodi.

urn:nbn:de:hbz:466:1-14298

D I O E C E S A N A
S Y N O D V S
O S N A B R V G E N S I S
O C T A V A,

P R Æ S I D E N T E

Reverendissimo & Illustrissimo Principe
ac Domino,

D. F R A N C I S C O
G V I L I E L M O,

EPISCOPO ECCLESIAE OSNABRUGENSIS,
NEC NON RATISBONENSIS,
MINDENSIS AC VERDENSIS,

Comite de Wartenberg & Schawmburg, Domino in Wald
& Hachenburg,

C E L E B R A T A

Anno M D C L I I, die I Octobris, quæ erat Feria tertia post
Dominicam XIX Pentecostes,

ipso Dedicationis Cathedralis Ecclesiæ Osnabrugensis Festo.

O R D O E T C Æ R I M O N I Æ
S Y N O D I.



Vm ordinaria autumnalis Diœcesana Synodus Osnabrugensis hoc anno M D C L I I incidit in diem octavam sequentis mensis Octobris; Illustrissimus verò & Reverendissimus Dominus Episcopus Osnabrugensis eam, prægnantissimis de causis, pro hac vice anticipandam, & primo die Octobris habendam decreverit: hinc mandavit omnibus & singulis Decanis iuramentis, ut non solum ipsi pridie tempestivè Osnabrugè compareant, verum etiam omnes & singulos Pa-

rochos, vel alios etiam, provisoriè curam animarum in suo Decanatu habentes, moneant, ut ex mandato Illustrissimæ Suxæ Celsitudinis omnes & singuli ad dictam Synodum specialiter se sistant, & præterquam egritudine suâ vel suorum, quam in scripto testari tenebuntur, detenti, non emaneant. Insuperque demandatum fuit, ut tam ipsi, quam Decani, tempestivè ac diligenter prospiciant ordinemque, ut, in absentia ob dictam Synodum, per alios vicinos, seu etiam advocandos, approbatos Sacerdotes seu Religiosos, tempore hujus Synodi, curæ animarum, obtingentibus insperatis casibus, dignè satis fieri possit.

Ipsò die Synodali, quoniam, ob incidens Dedicatio-

tionis

tionis Cathedralis Ecclesie Osnabrugensis festum, omni solemniori ritu ad maiorem divini Numinis honorem id peragere Illustrissima Sua Celsitudini placuit. Ante altare parochiale extra Chorum, specialiter ad id exornatum, Sacrum de Dedicatione cum Collecta de Spiritu sancto per alteram illam Illustrissimam Suam Celsitudinem decantatum fuit. Prope dictum altare Parochiale, theatrum oblongum exstructum erat; in huius latere dextero Cathedralis Ecclesie Canonici, in latere vero sinistro Dominus Abbas Iburgensis, Dominus Vicarius in spiritualibus Monasteriensis, Ioannes Vagedes, (qui in hac Synodo interesset, specialiter illic venerat,) nec non Capitulum insignis Collegiate Ecclesie S. Joannis Osnaburgi, in scamnis, rubro panno obductis, confidebant; & Clerus reliquus per navim Ecclesie bono ordine distributus considebat.

Finita concione & Sacro Parochiali quod hora sexta matutina inceptum fuit, Illustriss. Sua Celsitudo, (qua ob nimiam pluviam ex Residencia a Clero more solito commode adduci non poterat,) in theatra, Anticis suis stipata vehebatur ad Ecclesiam Divi Pauli; mox accedebant Canonici Cathedralis Ecclesie; & interea reliqui de Clero, bini & bini, ex loco prope Sacristiam procedebant, Chorum circummeando ad navim Ecclesie; hos subsequutum fuit Capitulum, ac deinde Illustrissima Sua Celsitudo. Qua dum Ecclesiam ingressa fuit, ceremonialia omnia, ut in Synodo vernali quinta peracta fuerunt.

Illustrissimus, Ecclesiam ingressus, mox in throno suo, cum Hora diurne minores ad Sextam usque inclusive decantatae essent, Nonam inchoavit. qua finita, sollemnis per ambitum & Ecclesiam processio, (pluvia longiorem circuitum impediente,) cum deportatione precipuarum Reliquiarum Civitatis Osnabrugensis, hoc ordine instituta fuit.

Primo procedebant vexilla cum Crucibus; ac deinde Clerus eo ordine ac modo, ut in Synodo Osnabrugensi quinta.

Post Capitulum Cathedralis, deferebatur, per duos Vicarios sancti Joannis in Dalmaticis rubris, tumba argentea cum Reliquiis corporis unius Martyris ex legione Thebaeorum. Sequebatur secunda tumba, portata per duos Vicarios Cathedralis Ecclesie, similiter sacris paramentis paratos; cui inclusa erant aliquot integra Capita SS. Virginum ac Martyrum ex societate sanctae Vrsulae.

Tertiam tumbam succollabant duo alumni Se-

minarii Osnabrugensis in Dalmaticis, cum corpore sanctae Cordulae Virginis & Martyris ex societate sanctae Vrsulae. Quarta tumba cum corpore sancti Hermagora, Patriarchae Aquileiensis ac Martyris, portata fuit similiter per duos Vicarios, ut priores, Dalmaticis rubris indutos. Quinta magna tumba deinde deferebatur cum integris corporibus sanctarum Reginae ac Iuliane, item trium aliarum Virginum ac Martyrum ex societate sanctae Vrsulae innominatarum; cui humeros supponebant octo ex P.P. Dominicani Ordinis Praedicatorum, Dalmaticis induti. Sextam, cum corpore sancti Adolphi Episcopi & Confessoris Osnabrugensis vigesimi octavi, humeris gestabant duo Parochi in vestibus sacris. Septimam, qua corpus sancti Pirmerii Episcopi & Martyris ex societate sanctae Vrsulae continebat, portarunt duo Vicarii Cathedralis Ecclesie. Octavum locum tenebat tumba, S. Candidi Martyris corpus continens, ex societate Thebaeorum, portata per duos Canonicos sancti Joannis; in cuius Ecclesia cum veneratione hucusque asservatum fuit. Nona tumba sequebatur cum corpore S. Crispini Martyris ac Patroni Diocesis, quam circumferebant Diaconus & Subdiaconus Missae. Decima tumba, cum corpore sancti Crispini Martyris, similiter Patroni Diocesis, ultimo loco per duos Canonicos Cathedralis Ecclesie, pluvialibus indutos, deportata fuit. Singulas tumbas precedebant Ephebi Illustrissimi cum facibus. Ultimo loco sequebatur Illustrissimus, indutus Pontificalibus, cum ministris assistentibus; ac deinde frequens populus, qui huic processioni devotionis causa intererat. Vi primum Clerus cum praefatis Sanctorum Reliquiis Ecclesiam ingressus fuit, habita est statio sollemnis in navim Ecclesie, & cantatae Antiphonae de Dedicatione; quibus Illustrissima Sua Celsitudo, decantato per Diaconum & Subdiaconum Versiculo, subiunxit Collectam, & Clerus Responsorium; ac interea tumba in altari suis locis repositae sunt per Clericos, ad id constitutos. Post haec Illustrissima Sua Celsitudo thronum ascendit, induit se paramentis Missalibus, Sacrum incepit, & alia acta fuisse, ut supra.

Synodus haec Diocesana tribus Sessionibus absoluta fuit; atque tam in prima quam in secunda Sessione, & qualibet vice, Illustrissima sua Celsitudo ad Clerum per horam dixit, de zelo erga Deum & res divinas ac proximum, praesertim in Ecclesiasticis personis & Sacerdotibus, accendendo.

SESSIO SECUNDA.

Hora secunda pomeridiana, die eodem, secunda Vesperae de Dedicatione Ecclesie in Choro decantatae fuerunt. medio tertiae, campana majori, ad Synodum signum datum fuit. Hora tertia pomeridiana, praevia campanarum compulsatione solenni, Illustrissimus processit ad

Ecclesiam Cathedralis, post cuius ingressum in Ecclesiam, ceremonialia Synodi consueta, donec ad locum Capitularem perventum esset, observata fuerunt. In loco Capitulari denique Illustrissima Sua Celsitudo, per horam, ad Clerum, priorem mano inceptae concionis suae materiam continuando, dixit. Sub ipsa concione, Illustrissima sua Celsitudo,

Be ad Cru-